

# Powšitkowne WOZJEWJENJA

njedźelu, 10. awgusta 2014

## Štó chce sobu na prayerfestiwal jěć?

Wutrobnje přeprašuju zajimowanych młodostnych wot srjedy do njedzele, 13. do 17. awgusta, na mjezynarodny prayerfestiwal do Marienfrieda pola Noweho Ulma. Małe busy wotjědu srjedu a pjatk, 13. a 15. awgusta, stajnje w 9 hodź. z Drježdźan. Přizjewić měli so spěšnje pod telefonowym číslom (01575) 6085888. Tam dóstanjeće tež wšitke nadrobniše informacije.

*Pater Paulus-Maria Tautz, franciskan*

## Zelowy swjedzeń w Klóštrje

W klóšterskej zahrodze w Pančicach-Kukowje je njedźelu, 17. awgusta, tradicionelny zelowy swjedzeń. Ekumeniski nyšpor w 14.30 hodź, na kotrymž so zelowe kwěćele požohnuja, změjetaj Njebjelčanski farar Beno Jakubaš a farar Tobias Weisflog z Kinsporka. Rjadniske sotry Božu službu sobu wuhotuja. Jej přizamknje so koncert dujerskeje kapały „Horjany“. Tež zelowe wiki so w běhu popołdnja přewjedu.

## Mandźelski seminar

Přichodny lětuši termin mandźelskeho seminara je pjatk a sobota, 28./29. nowembra, w Smochćicach. Přizjewić měli so zajimcy pisomnje pola Dekanatneho dušepastyrstwa, Młynski puć 4, we 01920 Worklecach.